

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 05/05/2026

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un de Minister fir Aarbecht weiderzeleeden.

Laut enger neier Etüd vum Statec, déi den 29. Abrëll 2026 publizéiert gouf, ass d'Vollzäitbeschäftegung am Kader vun engem CDI während den normalen Dageszäiten net méi d'Norm zu Lëtzebuerg. Eng Majoritéit vun de Residenten, déi zu Lëtzebuerg schaffen, ass deemno an Deelzäitbeschäftegung, schafft owes oder um Weekend.

Dës Entwécklung wërft wichteg Froen op iwwer d'Qualitéit vun den Aarbechtsplazen, de Schutz vun de Salarieë, d'Work-Life-Balance, souwéi iwwer d'soziaalt Sécherheitsnetz fir déi Betreffen. Et ass dofir wichteg ze verstoen, wéi eng Moosname vun der Regierung geplangt sinn, fir op dës strukturell Verännerungen um Aarbechtsmaart ze reagéieren.

An deem Zesammenhang wéilt ech dem Minister dës Froe stellen:

1. Wéi eng konkret Moosname gedenkt d'Regierung ze huelen, fir déi Salarieëen ze schützen, déi an atypesche Beschäftigungsformen (Deelzäit, Owes- a Weekendarbecht) schaffen?
2. A wéi wäit gedenkt d'Regierung d'Aarbechtszäitgesetzgebung unzepassen, fir der neier Realitéit vun Lëtzebuerger Aarbechtsmaart Rechnung ze droen?
3. Wéi gedenkt d'Regierung sécherzestellen, dass déi betrafte Persounen en adequaten Zougang zu soziale Leeschtungen a Schutzmoosname behalen, onofhängeg vun hirer Beschäftigungsform?
4. Wéi eng Mesuren si geplangt, fir d'Deelzäitarbecht, déi dacks onfräiwëlleg ass, ze reduzéieren an de Betreffenen den Zougang zu méi stabile Beschäftigungsverhältnisser ze erméiglechen?



Mat déiwem Respekt,



CLEMENT Sven
Deputéierten

